

大明會典

大明會典卷之一百四十三

兵部二十六

守衛

國初置都鎮撫司總領禁衛。後又以親軍諸衛分番守衛。而改都鎮撫司為留守五衛。每衛設指揮五員。關領

內府銅符日輪二員。點開守衛官軍。夜亦如之。法例漸密。具載於後。

洪武二十七年

聖旨榜例。自古到如今。各朝皇帝差軍守衛皇城。務要本隊伍正身當直。上至頭目。下至軍人。不敢

頂替。這等守衛是緊要的勾當。若是頂替千係利害。撥散隊伍守衛。尤其利害。且如論隊伍守衛。撥那所軍。若用軍多。盡本所守衛。若用少。或五百三百二百一百。務要整百戶守衛。若軍別無事故。各各見在衛所。其當該管軍人員不行仔細檢點。照依原伍上直。致令小人賣放。或閒居在衛所。或私自縱放。不在衛所。點視不到。定將本管指揮千百戶。衛所鎮撫總小旗各杖一百。指揮降千戶。調邊遠。千戶降百戶。調邊遠。百戶降總旗。調邊遠。衛鎮撫降所鎮撫。調邊遠。總

旗降小旗調邊遠。小旗降做軍調邊遠。如是受財賣放。以致隊伍不全。係是圍宿重事。不問賊多少處。以重罪。○一當直之時。不問全所。或一百戶上直。必定無全伍。何故無全伍。且如父母妻子。或死喪。或因病。或本身有病。或嫁娶。或公差。或囚事。被監。或種植蔬菜五穀。看守果木。或婦人產難。此數等。皆是軍人有妨上直之時。理合明白開寫。是數事內。何等妨占。自此等別無虛冒。難以問罪。理合逐件准說。○一若本無前條數事。倚法為姦。妄稱數事內一事。不行上直。

非官吏該管容縱。罪坐本軍杖一百。流煙瘴。若所管官旗人等受財冒為此事。不拘賊多少。處以重罪。○一軍人在京衛分近處。不出百里之外。死喪慶弔。許告假行。本衛親管官旗首領官吏。即時准告放行。以快人情。敢有留難。笞五十。上官罰俸一月。○一凡當直之日。務要各千戶差調本管百戶各帥本隊伍旗軍一名。一名。務要著實。不許頂替。若有事故。儘有事故。開除。見在不問多少。從實當直。若將本隊伍一百戶軍調故三四次當直。或一旗一直。兩旗一直。或五

名一直三名一直多少不等拆散隊伍處以重刑家遷化外○一若死喪親姻疾病產難隨即告知本管官旗即時放行毋得刁蹬留難若有刁蹬留難即時親身赴

御前陳告若當直之時本身若有暴疾本管官旗即放歸營所請醫調治看視遲慢放回猶豫致令病甚親管小旗校一百總旗杖九十百戶住俸一月其病軍食錢帶去不必瑣碎來奏○一若軍人別無餘丁家有父母或父或母一時染病不能痊可似這等軍許不當直告知明白在

家侍奉父母病疾。管甚麼十日五日。半月一月。不拘幾時。直待父母痊可。纔方上直。若父母病痊。及父母無病。詐稱有病。開驗是實。治以重罪。輕則流入煙瘴。○一軍人軍夫。隻妻者。若妻有病。本軍許不上直。看覷妻室病痊之後。纔方上直。設或無病。稱病。病痊不直。開驗是實。調入煙瘴。○一若官旗首領官吏。不畏法度。擅將上直軍人。撥散隊伍。許本隊伍內。不問軍旗人等。赴御前陳奏。開驗是實。賞鈔五十錠。作弊官吏。處以重刑。○一凡點大軍病疾。不許扛擡赴點。幼軍自

十三赴點十二以下皆不赴點止點視於營內
○一凡一應關請有孕婦女不許入內違者本
管官旗杖一百若不令官旗知會若孕私入者
罪坐本婦○一凡當直之時守衛何門本日外
人於內辦事畢仍於本門回還若自本門入
不自本門出不問是何等人却被別門擒拏雖
係國戚亦當即時奏聞區處將所入之門守直
官旗軍人俱各處以重刑擒拏之門直守軍旗
受賞○一凡整點大軍本管官旗私自縱令正
軍不入隊伍臨點之際却乃雇覓他人代替點

視者官旗與雇覓之人俱各處以重刑。有能首告者賞鈔一百錠。官首告陞一階。總旗首告陞百戶。小旗首告陞百戶。軍人首告陞百戶。仍賞鈔一百錠。本管官旗自行覺舉者不在陞賞之例。○一在京軍人戶下壯丁多者或弟兄子姪或見贅在戶女壻凡遇上直做工。公差許輪流代替。不輪者聽。若遇出征調遣正軍親行。正軍軟弱戶下壯丁願隨行代替者亦聽。本管官旗首領官吏敢有刁蹬者杖一百罷職。總小旗首領官吏邊遠充軍。○一遇朝參先放直日都督

將軍散騎帶刀人員及應直帶刀指揮千百戶
衛所鎮撫進然後百官進朝不許攙越混雜○
一守衛官員凡遇當直須待朝後辰時方許交
班違者問罪○一凡內官內使小火者出入各
門守門官軍務要搜檢精細揣捏交檔或將帶
金銀段疋衣服等項須憑勘合放出或有公差
幹辦事務明白附寫前去某處公幹及辨驗身
上衣服是何顏色見數明白隨即附記事畢回
還依數點進但有點對不同即時奏聞○一內
官內使須要比對銅符依前搜檢放出若內官

內便出門本無銅符。及有銅符不行。比對明白。
輒便放出者。守門官軍。治以重罪。○一各處進
納官物長解。及內府做工諸色人等。誤帶鈔貫
等物入門。守門官軍務要用心搜檢。止當寄放
方許進門。若進門之時。搜驗潔淨。比候出門。搜
出有帶出物件。即時拏獲。○一官員軍民人等。
入奏事務。守衛官軍人等。本許問其緣故。所將
文書亦不許闕看。隨即徑直引奏。若擅問緣故。
及將文書開看者。依律論罪。

承天門午門紅牌

一官員人等說謊者處斬

一凡大小官員奏事。語言不一。轉換支吾面欺者斬

凡各衛分定地方

皇城四門自

午門左至闕左門東第五鋪。

午門右至闕右門西第五鋪。

端門左至

承天門左橋南。

端門右至

承天門右橋南。

長安左門。至外

皇城以東第六鋪。

長安右門。至外

皇城以西第十一鋪

以上該旗手濟陽濟州府軍虎賁左金吾前
燕山前羽林前八衛官軍分守

東華門左盡左第十一鋪東至東上門左。

東華門右盡右第一鋪東至東上門右。

東安門左外盡左第十四鋪內至東上南北門左。

東安門右外盡右第十四鋪內至東上南北門右
以上談金吾左羽林左府軍左燕山左四衛
官軍分守

西華門左盡左第一鋪西至西上南北門左
西華門右盡右第九鋪西至西上南北門右
西安門左外盡左第十二鋪內至

乾明門左。

西安門右外盡右第七鋪內至

乾明門右

以上談金吾右羽林右府軍右燕山右四衛

官軍分守

玄武門左盡左第五鋪。北至北上門。北上西門以左。

玄武門右盡右第四鋪。北至北上門。北上東門以右。

北安門左外盡左第十二鋪。內至北上西門外以左。

北安門右外盡右第八鋪。內至北上東門外以右。
以上該金吾後府軍後通州太興左四衛官軍分守。

凡各門守衛官照依地方各領銅符收掌守衛承天門承字號。

東安門東字號。

西安門西字號。

北安門北字號。俱陰文右比。留守衛巡城官領承字等四號銅符。俱陽文左比。

凡各門守衛官員。遇夜各領令牌齋執巡警。

午門領申字一號至四號。

長安左右門及。

東華門領申字五號至八號。

西華門。領申字九號至十二號。

止安門。領申字十三號至十六號

凡

皇城。每日輪都督一員。帶刀千百戶一員。領申字十七號。令牌於內直宿。仍點各門守衛軍士。後都督裁革。改令五府僉書侯伯。每夜一員輪直凡內

皇城四圍四十鋪設銅鈴四十一箇。每更初自關右門發鈴。傳遞至闕左門第一鋪止。次日納鈴於闕右門第一鋪。夜遞如初。外

皇城四圍七十二鋪。銅鈴七十八箇。每更初自

長安右門發鈴。傳遞至

長安左門止。次日納鈴於

長安右門第一鋪。夜遞如初。

凡內

皇城左右每夕輪坐更將軍一百人。每更二十人。

凡內

皇城四門。設走更官八員。於內府給領簿籍。每更各門官交互往來於簿上用印一顆為信。

東華門官南至闕左門止。至

玄武門。

西華門官。北至

玄武門。南至闕右門。其三門官吏更赴

東華西華二門。亦如之。隆慶二年甲申。明舊制。如總督上直官。急弛不行稽查者。叅究。

凡官員人等出入四門。無牙牌者。附寫木牌。

凡外

皇城各門。設馬直百戶十八員。各領全伍。以備隨駕。成化四年。革馬直官。軍選精壯者。補宿衛。

凡守衛官。遇巡城官到來。將銅符比驗相同。方

許點閘

凡

皇城四門巡視。宣德三年。令常差御史一員。○天
順元年。添差給事中一員。○成化十一年。令留
守衛官。每日巡行各門。點閘二次。○弘治二年。
令每夜分行。亦點閘二次。○十年。令各門守衛
官。軍隻日輪給事中。雙日輪御史。及兵部委官
點閘。○正德四年。議准。留守五衛。每日輪指揮
五員。領齋銅符。巡點內外門鋪官軍。遇夜。每更
一員。逐一點視。仍令各門守衛官。置簿一扇。送

簿印鈐。門吏輪守。每巡點官到。即將本人衛分職名。註於該日該更之下。不到。不許填註。以便科道等官。不時稽考。其守衛員缺。就令督同選補。○隆慶二年。議准。留守等衛指揮等官。兵部劄行。巡視郎中。嚴行各衛。常時巡察。晝夜點守。季冬。會同巡視科道。分別勤惰。從實舉劾。勤職者。陞用。曠職者。降調。問罪。○六年。每衛專設點城指揮二員。上下半月。分管點鬧。

凡守門內官。弘治十八年。題准。驍城四門。照舊其餘各門。只以四員名為則。不許增添。○隆慶

元年議准守門內官止許專司啓閉關防鎖鑰
但有仍前違例點閱暗開騙局科索官軍財物
者許官軍親訴科道即時參究若各該官軍啓
閉非時或地方失事各門官止許具本題知不
許挾私妄參

凡各門進出事件宣德五年令每日從守衛官
具奏

凡守衛官天順五年令有懸帶金牌棄置兵仗
擅離信地者錦衣衛官校并巡視給事中御史
拏送法司問罪決杖一百發遼東邊衛差操○

弘治元年令

皇城各門各鋪上直守衛該管官旗鈴東不嚴及容情故縱所管軍人離直點視不到十名以上者各杖一百。指揮千百戶衛所鎮撫總小旗以至於軍各遞降如洪武榜例。調邊衛帶俸食糧差操所鎮撫亦降總旗。若受財賣放者不分人賊多寡問罪亦照前例降調。其留守五衛晝夜輪流點城官員但受財賣放者一體參問降調。若止是巡點不嚴以致軍士不全問罪還職。其各該直宿官旗半令點視不到一二次者送問。

三次以上者問發邊衛差操○正德四年議准
營操官選補守衛者即將營操除豁○又題准
守衛軍士有躲閒代替官有賣放私占辦納網
巾菜蔬等項俱聽巡視糾儀科道等官叅奏重
治○十六年禁約守門官科害軍人并各衛指
揮千百戶人等指稱科歛賣放者從重治罪
凡守衛官軍原額共八千三百三十三員名天
順元年令不許私相替換及賣放偷閒役使營
私辦納月錢隱匿跟隨需索供應聽各官互相
舉奏指揮以下犯者照例降調其內官內僉止

許役用三名或二名亦不許離直遠出。違者該管并點閘官奏請發落。成化間兵部奏請會同兵科揀選汰其老弱殘疾者退還原衛照數於各衛選補。如不足則於五軍等營次撥官軍內選補。弘治九年因各衛各營選補不足奏行團營頭撥軍人選補。○十六年題准各門守衛官員旗軍逃亡首補有願告的決及不肯守衛推稱的決罪犯違礙本衛官吏受囑輒改別差者俱聽比較官查叅究治。仍行法司不許將守衛首逃或為事旗軍的決有礙收撥上直。○正德

四年奏准。凡守衛官軍。聽點城科道等官督同該衛掌印官揀選不堪者。退還管衛。逃故者。照數補足。毋致缺少防衛。○萬曆二年議所選汰俱行職方司。將清勾解到軍人驗補。○四年議准。國軍逃故。即呈巡視等衙門。著該管衛設法挨拏正身。并勾其戶丁代替。如果正身無獲。別無戶丁。方許照缺於五軍等三大營選補。各該管把總等官。逃軍十名以上者。俟年終聽巡視等衙門一體查叅重究。

凡查點守衛軍。隆慶二年題准。守衛官軍。三日

一班輪換。務以辰時為期。必待新者至。舊者方
回。如有先時而去。及後時不來者。即作不到一
次。許留守衛官查報治罪。○又題准。守衛官軍
如查點一次不到者。重責記簿。一次不到者。扣
本月直米一半。三次不到者。全扣。類總開送戶
部。臨倉扣除。官軍通同欺隱者。叅究。○五年題
准。內外周圍紅鋪。兵部轉行巡視郎中。嚴督官
軍。常川在鋪看守。如遇換班。亦須交代明白。每
月終具結投遞。○又題准。守衛官軍點驗正身
置牌編伍。為束稽查。仍前影射躲避者。事發。依

例遣發煙瘴衛分○六年題准將旗手等二十
衛軍士備造各軍真正姓名年貌文冊仍置木
牌明書年貌給與本軍懸帶務要牌冊相同聽
各衙門不時點驗如有代替等弊叅治
凡私役守衛軍正德九年奏准。

皇城內外守衛軍士各該侯伯并守衛內外等官
不許擅撥做工違者許科道官劾奏治罪把總
等官挈問照私役操軍例降級

凡守衛軍器成化十二年令

皇城守門內臣督令各該官軍俱照分守地方披

戴盔甲。列持器仗。逐人檢察。其城外紅鋪并九門軍器等件。亦要棚架整齊。以時執把。俱不許散漫怠玩。違者許點城官并兵部查問。○正德四年題准。凡各衛官軍盔甲器械。有損折破壞者。三年一換。工部仍委官點視。○十三年題准。點城科道等官。陸續揀選換補。不拘限期。○隆慶五年議准。仍照舊三年一換。○萬曆十一年題准。每遇三年。照例呈請兌換軍器。各軍有老弱頂名者。遂名更補。

凡守衛官軍下班。萬曆十一年題准。守衛紅盔

明甲官軍每月除上直日期外。令下操三日。隸神樞八營操演。園子手亦除分班更直外。隸五軍備兵營。一體隨操。

凡

皇城九門吏役關防。成化二十二年。令各鑄關防。凡錢糧文書進出用使。計關防共三十三顆。撥門吏共四十八名收管。其所支月糧俱在兵部役滿之日。武庫司起送吏部。

午門吏四名關防三顆。

端門吏四名關防三顆。

承天門。吏四名。關防三顆。

長安左門。吏三名。無關防。

長安右門。吏三名。關防三顆。

東安門。吏三名。關防三顆。

東中門。吏一名。關防三顆。

東上門。吏二名。關防二顆。

東上北門。吏一名。關防三顆。

東上南門。吏一名。關防二顆。

西安門。吏四名。關防二顆。

西上門。吏四名。無關防。

西中門。吏四名。無關防。

北安門。吏四名。關防四顆。

北中門。吏二名。關防二顆。

北上門。吏四名。無關防。

凡各門進納錢糧。弘治十四年。令所在守門軍士。及門吏。邀索財物者。聽點城及巡視科道官。來提問罪。

凡常朝門禁。成化十二年。奏准。每日

長安左右門初開。先放常朝及見。拜等項官吏盡。地方許驗牌放進。各監局工役人等。有撓越混。

進及夾帶財物入內買賣者守衛官具奏治罪
○弘治元年奏准朝奉文武官隨從官吏人等
俱官給木牌懸帶守衛官辨驗放入其謝恩見
辨工滿囚人進春進曆送納錢糧諸色人等經
該衙門給與牌面事畢放回人數多者給印信
手本送守衛官照入○正德四年題准朝奉官
員跟隨人役照例大臣三人○餘者一人○嘉靖
三年題准公侯駙馬伯并文武大臣除朝賀陪
祭更換衣服及議事會審許帶執事官吏外若
當期止許帶三人○其餘官員二人○俱要懸帶本

衙門牌面

凡朝門雜禁。成化七年奏准各門守衛官軍。務遵舊制。嚴加搜檢。但有無名之人。及假帶牌面者。就便拏送究問。○弘治元年令。

長安左右門。鹿角柵。與儻衆木內。正街空地。不許人畜作踐。污穢擠塞。犯者許錦衣衛旗校緝拏送問。○又令罷閒官吏。在京潛住。有擅入禁門交結者。各門官仔細盤詰。拏送錦衣衛者。實打一百。發煙瘴地面。永遠充軍。○七年令。

長安等門。不許閒雜之人。出入賣物穿走。違者許

兵部及巡視官將守門官軍叅究○十三年奏
准凡左道邪術及燒煉丹藥之人擅入

皇城黃緣求進而守衛官軍不行關防搜拏者叅
奏治罪○嘉靖十四年題准守衛官軍該直之
日不許擅離直所若有擔荷背負或背

闕踞坐僥卧

御橋直趨

禁道及婦人假裝男子入內訴寃者擒拏叅送法
司問罪○隆慶五年議准官員與馬牀扇不許
擁入

東西長安門鹿角柵內。及軍民工匠人等。不帶牌面。及手本。無名并服色不正。器物應禁者。俱不准入。如有違者。許守衛官軍拏送巡視衙門參究。

凡守衛軍士食錢。洪武二十六年定在京上十二衛。寺衛隨駕軍人。每名一直三日。食錢鈔三百文。先期一日。令各衛將軍名數目手本報進內府。兵部官一員。攢類軍名并該支鈔錠總數。送禮科關鈔。令該管守衛官領去給散。如有公差患病名數。食錢明白扣除。不許將軍人頂替冒。

支

凡

皇城四門廚房。洪武二十八年。各設恩軍為守衛軍士。做造飯食。

長安左右門廚房二所。恩軍二百二十五名。管軍百戶二員。金吾前衛鎮撫司帶管。

東安門廚房一所。恩軍九十七名。管軍百戶一員。羽林左衛鎮撫司帶管。

西安門廚房一所。恩軍一百一十名。管軍百戶一員。金吾後衛鎮撫司帶管。○永樂七年以後。每

官軍守衛三日。於京倉支直米五升。○正統六

年。復設各門廚房。分調南京原額恩軍一百名。

及於在京撥補共五百名。簡選百戶五員分領。

造飯。○弘治二年。復停止造飯。每直三日。於各

門內倉支米五升。

各恩軍改隸內官監差使。輪派實善門灑掃掛燈。正德二

年奏准。不許分送。做工。及別項差用。今除節年逃故外。見在止一百七十六名。仍隸內官監。分

屬金吾前後羽林左右四衛帶管食糧。

○萬曆二年題准。旗手等

二十衛守衛軍士。每月將見在守衛直宿官軍

實數。并實支月糧文冊二本。赴司掛號。一本轉

送戶部。撥倉支糧。其官軍該班不得支糧者。候

下班補給

凡牌面。洪武二十六年定隨

駕官員。力士。校尉。須憑牌面守衛。其牌面

內府印綬監掌管。輪直官員人等於簿上明白附
寫花名。畫字給領。如遇下直。務要交割明白。勾
銷。庶無差失。其在外新設衛所。申索守禦夜巡
銅牌。須要定奪數目。編置字號。行移禮部鑄造。
就送該部給發。○正德四年題准。尚寶司督同
各守衛官。備查各衛銅牌。其衛該某號牌面若
干。某牌係某軍懸帶。遇交班之時。必須兌換明

白方許回還。旗手等二十衛年終各造文冊送

司備照

今附造年貌文冊內

該司仍委官查點。如有損失

將本軍并該管官員參究治罪。責限挨尋限外
不獲方許給補

凡

皇城外各鋪萬曆十一年議准。每三年移咨工部
修理。三年限內有作踐損壞者。將督鋪指揮等
官參治。仍責令修葺。不許科歛軍人

大明會典卷之一百四十三

大明會典卷之一百四十四

兵部二十七

力士校尉

王府校尉

國初用力士校尉隨從直

駕。洪武二十六年定。於民間丁多相應人戶內。僉點有力精壯。無過犯體氣之人。應當皆撥錦衣旗手等衛著役。如有事故。即照原籍另戶僉補。如解到部。照依所補姓名送發該衛。果係在逃正身。就送該衛發落。若正身不獲。解到戶丁。照地方發遣充軍。仍挨勾正身後為定例。初力士隸旗手衛。後亦隸錦衣及騰驤四衛。惟校尉隸

錦衣衛如故

凡力士校尉收充。天順二年奏准。民人投充力士校尉者。行原籍官司查無違礙。方准收役。○六年。令凡人材不識字者。改充力士校尉。女戶欽陞官員子孫。例無承襲者。將軍子試量身力不及者。俱收充校尉。○成化十四年奏准。力士校尉病故。或者疾不能應。而其子孫告替補者。行移該衛查係在營生長。冊籍有名。無違礙者。具奏收役。雖例不勾丁。而子孫願替補者。亦准查收。弘治十三年奏准。凡校尉事故。須冊籍內親

子弟姪替補。若將別姓詐冒替補者。問罪。官旗調外衛差操冒替之人。亦調衛充軍。○嘉靖二年題准。錦衣衛將軍事故。不係侍直年深授官者。止許親男收充校尉一革。不許將弟姪及房族認戶人等收補。躲避民差。○三年議准。錦衣等衛力士校尉。不許買窩冒頂。及異姓外孫女戶。買求該管官旗。州縣里書。朦朧起送替補。其遇該替役。并清理解到等項。兵部將編軍冊。科道清查文冊。查對姓名相同。方令收補。但冊內無名者。查發原籍聽當民差。

凡老疾釋放。永樂五年奏准。力士校尉係民間
無充者。例不勾丁。如有老疾。聽於歲終具告兵
部。行該衛勘明。具奏釋放。○天順元年

詔錦衣旗手武驤等四衛力士校尉。有年六十以
上。及殘疾不堪差操。已告在部。不問有無保結
悉赦寧家

凡戶丁勾補。永樂五年奏准。無充力士校尉。若
逃回病故。或老疾不堪者。仍勾其戶丁補當一
輩。若係原祖充當。而在逃者。發冊清勾。到部送
問。發衛著役。原逃事故。解到戶丁補役者。發衛

查收。凡四丁抽僉者。病故俱勾補。○正德八年
題准。兩京旗校力士。有在逃一年之內。聽其首
告。查無違礙。初犯准令復役。再犯調衛充軍。若
一年之外。曾經造冊清勾者。不許首告。止許原
籍官司拘解。如正身病故。具結將應解戶丁解
補。○十年題准。今後校尉力士。逃回。務要挨拏
正身到官。追妻起解。其例該調衛之人。月久不
獲。就將戶丁照例調衛。若原逃病故。方將應繼
戶丁解補原伍。

凡各處解到故絕校力戶丁。行武庫司查非近

年清勾者不准。屬北直隸限五年以內。屬南直隸。河南。山東等處限十年以內。奉有清單。查無違礙者准補。

凡首逃校力不及三五月者。查明收復。一年之上。及逃二次者。送問。復役。三次者。送問。調衛充軍。

凡冒濫查革。弘治十六年

詔錦永衛校尉專係直

駕人役。近年多有奏討投託。濫占跟用。因而令其幹辦私事。脅制害人。該衛盡行查明取回○

令錦永衛旗校人等除弘治年間編軍冊內見在數目外其餘詭名頂補在逃故絕等項人役冒濫食糧者戶兵二部各選差屬官會同科道及本衛公正官查議裁革

凡罪犯問擬弘治十三年奏准校尉犯該一應姦盜搶奪誑騙恐嚇求索枉法不枉法等項罪名但係行止有虧者俱調衛充軍其詐冒校尉巡捕名色占宿公館妄拏平人嚇取財物生事扇惑擾害軍民者除真犯死罪外其餘俱枷號一箇月發邊衛充軍所在軍衛有司驛遞等衙

門。阿從故縱者各治以罪。○嘉靖六年題准。今
後錦衣衛校尉有犯斬絞重罪不分處決監故
解來戶丁并隨營子孫替補俱照總小旗事例
一體調衛

凡兩京鳳陽承天各

皇陵校尉行錦衣衛撥發十名看守。逃絕照數奏補
凡

公主出府奏討校尉准行錦衣衛撥校尉三名軍
三十七名。隆慶三年奏准。駙馬病故仍留原撥
校軍着守府第

凡

皇親奏討校軍。准行錦衣府軍前二衛照例撥給三十名。分外請乞者不准。

凡

親王府校尉。弘治六年令。

親王出府。行錦衣衛撥隨侍校尉六百名。○又令親王出府。先行摘撥校尉三百名。軍人六百名。內一百名為背什物之數。暫令在京隨侍。其餘軍校八百名。聽兵部臨期具奏。於附近衛撥軍五百名。改贍羣牧所軍三百名。改充校尉。○七年

奏准。

親王隨侍校尉至就國之日聽以一半從行於附近衛所撥軍餘補數其一半存留在京以備各王出府聽用○嘉靖九年議准。

親王府食糧軍校除正數外每正丁下量留餘丁一名或二名供貼餘俱分撥缺人

郡王將軍位下使用若

親王封國日淺餘丁撥用不敷仍照例僉補○萬曆十年議定革除

親王墳所給守墳軍校五名

凡

郡王府校尉。成化元年題准。滿三十名者不必增添。○弘治六年令。

郡王出府行各該護衛。撥校尉三十名。無護衛於各衛軍餘及民間僉點。○八年題准。

親王子應封郡王者。將至十四歲預先具奏量於護衛或民間僉撥校尉三十名應役。○嘉靖八年題准。

郡王新封應得校尉以二十四名為額。原係護衛僉撥者。仍於本衛僉撥。其不係護衛僉撥者有

護衛處該衛撥與軍餘十二名。民間僉派十二名。無護衛處俱於民間僉派。舊封。

郡王已派三十名者不必減革。校丁逃亡死絕。至二十四名以下。方許僉補。○萬曆十年議定。

郡王不拘舊封新封。俱以二十四名為額。如前例。僉撥其民校每名每年於徭編內徵銀十二兩。解布政司轉發該府雇人代役。原撥民校掣回。有司當差。如有占怯不發者。聽撫按官參究。其絕封。

郡王府除另城管理府事者。量留民校十名。照例。

徵銀雇役外。其餘民校。盡數發還。有司
凡

王府校尉僉補。弘治六年。令各處

王府。除原之國。

欽賜校尉。子孫承繼者。照舊關支糧米。其餘民間僉
充投充等項。止免差役。不許支糧。○正德十二
年題准。

親王位下民校。逃故。照舊僉解補役。

郡王以下民校。有不願應役。及新僉補役者。許追
銀十二兩。交與教授領回。雇人代役。願當者。仍

從其便○十五年令各府原額軍校逃故者照例勾取不足之數就於本府軍校餘丁內僉補不必僉補民役累害小民○嘉靖八年令各處新封

王府應僉民校及舊役逃故消乏者俱照例於均徭內每名帶徵銀一十二兩解府雇人代役在府舊役民校情願應當聽從其便不願者亦照例徵銀解發雇役○九年題准

王府力士校尉事故以選退將軍兒男相無充補不必行有司另僉○十八年議准各府軍校故

絕逃亡。無從勾解者。聽將見在軍校真正子孫補當。不許將民丁無籍之徒濫收頂補。

凡看府人役。嘉靖三十八年奏准。

親王官眷迎取來京者。兵部照例撥給校尉八十名著守府第。

凡

宗室儀從。成化五年令。

宗室將軍數多。無換校尉。難為常例。其餘只用儀從。○二十二年令。

宗室將軍不許抵換校尉。只照舊例撥與從人跟。

用。今後奏討抵換者不必覆奏。○弘治六年令將軍以下撥儀從二十名。不得用校尉凡各

王府回還校尉。祖係民僉并將軍改充故絕者不准清補

大明會典卷之一百四十五

兵部二十八

驛傳一

自京師達于四方設有驛傳在京曰會同館在外曰水馬驛并遞運所以便公差人員往來其間有軍情重務必給符驗以防詐偽至於公文遞送又置鋪舍以免稽遲及應役人等各有事例

洪武二十六年定凡天下水馬驛遞運所專一遞送使客飛報軍情轉運軍需等項合用馬驢船車人夫必因地里要衝偏僻量宜設置其餘

點人夫。設置馬驢船車什物等項。俱有定例。須要常加提督。有司整治。或差人點視。不許空歇。但有人夫馬驢船車什物損壞缺少。將有司并驛所當該官使坐罪。仍督併修理補買。○又定。凡新開地方。堪設驛分遞運所。或舊設驛所。相離寫遠。往復不便。可以添設。差人踏勘明白。取勘彼處鄉村市鎮。畫圖貼說回報。驗其里路遠近相同。應設驛所。船車馬驢數目具奏。移咨工部。蓋造衙門。吏部銓官。禮部鑄印。合用人夫。行移有司。照例僉點。

會同館

國初改南京公館為會同館。永樂初設會同館於北京。三年。併烏蠻驛入本館。正統六年。定為南北二館。北館六所。南館三所。設大使一員。副使二員。內以副使一員。分管南館。弘治中。照舊添設禮部主客司主事一員。專一提督。

凡館夫額設四百名。南館一百名。北館三百名。專造飯食。以供使客。內順天府所屬餘克三百四十七名。俱三年一代。直隸真保等七府餘克五十三名。俱一年一代。其法司囚人。問充館夫。

逃者就發本館永遠充役○弘治十三年奏准
會同館夫供役三年轉發該管有司收當民差
另僉解補不許過後更易姓名捏故僉補違者
官吏一體坐罪若五年以上不行替役及近館
無籍軍民人等用強攬當者俱問發邊衛充軍
凡庫子七名俱大興宛平二縣僉充

凡馬驢鋪陳本館額設馬一百七十一匹涼順
天府五十三匹鎮常蘇三府三十二匹浙江紹
興府四匹江西南昌撫信饒袁五府八十二匹
驢一百三十七頭俱順天府所屬驗糧編當上

鋪陳一副銀十五兩。每年於上馬。每匹扣銀五兩。中鋪陳一副銀十二兩。每年於中馬。每匹扣銀四兩。下鋪陳一副銀九兩九錢九分。每年於下馬。每匹扣銀三兩三錢三分。候三年一次行順天府置買。送部驗中。發館應用。○正德四年題准。會同館上馬。每匹馬價。鋪陳鞍轡工食草料等項。共徵銀四十五兩。中馬四十一兩。下馬三十八兩。三錢三分。南京會同館及各驛上馬。每匹徵銀四十二兩。中馬三十八兩。下馬三十五兩。三錢三分。每年俱於糧耗內帶徵完足。係

兩京會同館者各差的當人員限年終起批解赴兩京兵部交割。若違限一箇月以裏到部先將領批人員送問。各該司府官叅行住俸。係河南山東直隸各驛者各該巡按御史每年正月內差官前去各該司府領回前銀。如不該置鋪陳之年將鋪陳銀兩扣數寄庫。其餘工食草料馬價盡數給馬夫收領。

凡夷人飯食用糧米一百石。進貢馬匹象隻用草一千束。豈一百石。本館每年俱申戶部支給。凡接待各

王府公差進奏人員及四夷朝貢使客原設馬驢館夫鋪陳什物俱有定額兵部委官提督點視如有馬驢倒死夫役在逃鋪陳不整照例勾解買補應合給驛應得脚力者填寫勘合發館起關應付其南京會同館從南京兵部一體委官提督

凡各

王府公差人員及邊界建州毛憐海西等衛女真朵顏三衛達子土魯番撒馬兒罕哈密赤斤罕東等衛回回西番法王泥岷等處蠻貴四川湖

廣土官番人等俱於北館安頓。迨北苑刺朝鮮日本安南等國進貢陪臣人等俱於南館安頓。四夷使臣除有例開市交易外。不許往來街市。交接閒人。違者將該管人員叅送問罪。

凡遇夷人朝貢之時。館夫人等在館供事者俱懸帶官給火印木牌照驗出入。事畢赴本館交

收

凡

聖駕上

及

親王之國。隨侍護從人員數多。會同館馬匹不敷。
嘉靖三十九年議准。行取京營騎操馬。揀撥五
千匹。各整備鞍轡候用。隆慶二年上

陵。取車二百二十輛裝載。

上用什物。又紅綠車二十七輛。每輛用蠶五頭。議准
暫用各州縣原編防秋車輛。奏行順天府先動
官銀。每蠶一頭。給銀五錢。雇用。事完。行督撫各
差御史查賊罰補還。

水馬驛

洪武二十六年定。凡馬驛。設置馬驢不等。如衝

要去處。或設馬八十匹。六十匹。三十匹。其餘雖
非衝要。亦係經行道路。或設馬二十匹。十匹。五
匹。大率上馬一匹。該糧一百石。中馬一匹。該糧
八十石。下馬一匹。該糧六十石。其餘點人戶。先
儘各驛附近去處。僉點。如果不敷。許於相鄰府
縣點差。如一戶糧數不及百石者。許衆戶簇數
共當一夫。其收買馬匹鞍轡。毯衫什物。驛夫各
照田糧驗數出備。○一。各驛馬匹。須分上中下
三等。馬膊上懸掛小牌。明寫等第。憑符應付。○
一。各驛馬夫。須置銅鈴。遇有緊急公務。將懸帶

馬上前路驛馬專以聽候鈴聲隨即供應不致妨悞○各驛馬鞍已置木綿及氊塌軟坐。經過使客不許將氊衫於馬鞍上墊坐。如遇陰雨方許給付氊衫雨帽○凡水驛設船不等。如使客通行正路或設船二十隻十五隻十隻其分行偏路亦設船七隻五隻。大率每船該設水夫十名。於有司人戶納糧五石之上十石之下點充。不拘一戶二戶相合俱驗所該糧數。輪流應當

天下見設水馬驛

順天府

舊有懷柔縣古北口。豐潤縣永濟各驛。俱革。薊州公樂驛。嘉靖十六年移改。

良鄉縣

固節驛

通州

和合驛

萬曆四年移張家灣改水驛

潞河水馬驛

三河縣

三河驛

武清縣

河西水驛

楊村驛

昌平州

榆河驛

嘉靖三十四年改隸永安城內

順義縣

順義馬驛

密雲縣

密雲驛

涿州

涿鹿驛

薊州

漁陽驛

玉田縣

陽樊驛

豐潤縣

義豐驛

遵化縣

遵化驛

右門鎮驛

直隸

永平府

遷安馬驛

灤河馬驛

蘆峰口驛

遷安縣 灤陽馬驛

七家嶺驛

撫寧縣 榆關驛

保定府

舊有涿水縣塔產馬驛嘉靖三十六年革唐縣軍城驛萬曆九年革

金臺馬驛

涇陽驛 嘉靖元年添設

安肅縣 白溝驛

定興縣 宣化驛

新城縣 汾水驛

慶都縣 翟城驛

桂縣

歸義驛

易州

清苑馬驛

上陳驛

嘉靖三十六年移置
紫荆關新城

河間府

舊有任丘縣新中驛

河間縣

瀛海馬驛

獻縣

樂城驛

阜城縣

阜城驛

任丘縣

鄭城驛

交河縣

新橋驛

富莊驛

青縣

流河驛

興濟縣

乾寧驛

靜海縣

奉新驛

楊青驛

隆慶二年自武清縣改屬

景州

東光驛

吳橋縣

連窩驛

滄州

磚河驛

真定府

伏城驛

萬曆四年自曲陽縣改屬

恒山驛

井陘縣

陘山驛

獲鹿縣 鎮寧馬驛

樂城縣 關城馬驛

定州 永定驛

新樂縣 西樂驛

趙州 鄆城驛

栢鄉縣 槐水驛

順德府

邢臺縣 龍岡馬驛

內丘縣 中丘馬驛

廣平府

永年縣 臨洛馬驛

邯鄲縣 叢臺驛

大名府 舊有本府父家口。清縣新鎮。平川。內黃縣黃池。各水驛。俱嘉靖四十五年革。

應天府 舊有江浦縣東葛城驛。隆慶元年革。

龍江水馬驛

江東馬驛

江寧縣 大勝驛

江寧馬驛

句容縣 龍潭水馬驛 嘉靖四十五年革。萬曆二年。

雲亭驛

江浦縣 江淮驛

六合縣 棠邑驛

直隸

鳳陽府

舊有懷遠縣金山。柳灘。五河口。縣。五河口。甘城。太和縣。和陽。界溝。壽州。新站。壽春。泗州。龍高各驛。俱革。

濠梁水馬驛

鳳陽縣 王莊馬驛

臨淮縣 紅心馬驛

定遠縣 池河馬驛

張橋驛

泗州

泗水驛

宿州

睢陽驛

百善道驛

大店驛

夾溝驛

靈璧縣

固鎮驛

潁州

潁川水驛

廬州府

舊有西山口坡岡各驛俱革

金斗驛

合肥縣

派河驛

護城驛

舒城縣

梅心驛

三溝驛

無為州

巢縣

鎮巢驛

高井馬驛

淮安府

舊有本府崇河。滿浦。清河縣金城。沐陽縣。僮陽。海州。興國。莊。贛榆縣。王坊。

東海。上莊各驛。俱革。又清河。洪澤驛。隆慶元年。革。桃源縣。古城。邳州。直河。幸安各驛。嘉靖四十五年。革。俱改巡檢司。

淮陰驛

清河縣

清口水驛

桃源縣

桃源水驛

邳州

下邳驛

宿遷縣

鍾吾驛

揚州府

舊有儀真縣迎鑒驛。革。

廣陵驛

江都縣

邵伯驛

儀真縣

儀真水驛

高郵州

孟城驛

界首驛

寶應縣 安平驛

蘇州府 舊有崑山縣寧海。吳江縣松陵各驛俱革。

姑蘇驛

吳江縣 平望驛

常州府

武進縣 毗陵驛

無錫縣 錫山驛

鎮江府 舊有丹陽縣呂城驛。革。

炭渚驛 嘉清四十五年革。萬曆三年復。

京口驛

丹陽縣 雲陽驛

寧國府

舊有宛陵驛嘉靖四十二年革

池州府

貴池縣 池口驛

李陽河驛

銅陵縣 大通驛

太平府

當塗縣 采石驛

繁昌縣 荻港驛

蕪湖縣 櫓港驛

安慶府 同安驛

桐城縣 陶冲驛

呂亭驛

潛山縣 青口驛

太湖縣 小池驛

宿松縣 楓香驛

望江縣 雷港驛

和州 舊有祁門。雍家城。含山縣界首各驛。俱

當利馬驛

滁州

大柳樹驛

滁陽驛

徐州

舊有石山驛嘉靖四十五年革

利國監驛

黃河東岸馬驛

桃山馬驛

彭城馬驛

房村驛

夾溝驛

沛縣

泗亭驛隆慶元年移爰鎮

浙江

杭州府

舊有海寧縣長安驛。革

吳山驛

武林驛

錢塘縣

浙江驛

富陽縣

會江驛

嘉興府

西水驛

崇德縣

皂林驛

嘉靖十五年自桐鄉縣改隸

湖州府

茗溪驛

寧波府

舊有本府安遠。奉化縣西店各驛。俱

四明驛

車廐驛

奉化縣

連山驛

紹興府

舊有山陰縣錢清。上虞縣曹娥各驛俱革

蓬萊驛

會稽縣

東關驛

餘姚縣

姚江驛

蕭山縣

西興水驛

台州府

舊有黃巖縣丹崖驛萬曆九年革

赤城驛

天台縣

桑州驛

嘉靖四十五年自海縣改屬

寧海縣

朱家巷驛

白嶠驛

金華府

舊有湯溪縣湯溪武義縣交道各驛俱革

雙溪水馬驛

蘭谿縣

澁水驛

永康縣

華溪驛

衢州府

舊有本府信安龍游縣龍游常山縣各驛俱革

上航埠頭水馬驛

龍游縣

亭步水馬驛

常山縣 廣濟渡水馬驛

嚴州府 富春驛

桐廬縣 桐江驛

溫州府

永嘉縣 象浦驛

樂清縣 館頭驛

嶺店馬驛

西皋水馬驛

窯畧嶺馬驛

處州府 括蒼水驛

青田縣 芝田驛

縉雲縣 丹峰驛

江西

南昌府 南浦驛

南昌縣 市汭驛

武陽驛

新建縣 吳城驛

樵舍驛

豐城縣 劔江驛

進賢縣 鄔子驛

饒州府

芝山驛

安仁縣

紫雲水驛

舊為水馬驛嘉靖七年改

餘干縣

龍津水驛

廣信府

上饒縣

葛陽馬驛

玉山縣

懷玉水馬驛

弋陽縣

葛溪驛

鉛山縣

車盤驛

鵞湖驛

貴溪縣

鄉溪驛

南康府

匡廬驛

都昌縣

團山驛

九江府

潯陽驛

湖口縣

彭蠡驛

彭澤縣

龍城驛

建昌府

南城縣

盱江驛

撫州府

舊有金谿縣石門驛。革。臨川縣清遠驛。隆慶元年革。改。巡檢司。

臨川縣

孔家渡驛

臨江府

清江縣 蕭灘驛

新淦縣 金川驛

峽江縣 玉峽驛

新喻縣 羅溪驛

吉安府

廬陵縣 螺川驛

泰和縣 白下驛 嘉靖二十三年以清溪。淘金。二驛併設。

吉水縣 白沙驛

萬安縣 皂口驛

五雲驛

袁州府

秀江驛

分宜縣

安仁驛

贛州府

舊有本府上館驛

水西驛

攸鎮驛

南安府

橫浦水馬驛

大庾縣

小谿水馬驛

南康縣

九牛水驛

南楚水馬驛

湖廣

武昌府

江夏縣

夏口水驛

將臺馬驛

金口水驛

東湖馬驛

山陂馬驛

嘉魚縣

石頭口水驛

簫州水驛

魚山水驛

蒲圻縣

官塘驛

鳳山驛

港口驛

咸寧縣 咸寧馬驛

興國州 富池水驛

漢陽府 舊有漢陽縣三以。蒲潭各驛。俱革

漢陽縣 蔡店馬驛 嘉靖四十一年後

漢川縣 劉家驛

承天府 舊有沔陽州。漢津。劉河各驛。俱

江縣。白砥水驛。嘉靖二十六年以候準驛

石城水馬驛 舊為石城驛。嘉

靖十年改

豐樂河水馬驛

嘉靖十八年
以魚料驛遷

改

鍾祥縣

舊口水驛

郢東馬驛

沔陽州

景陵縣

乾灘驛

荊門州

荊山馬驛

建陽馬驛

麗陽馬驛

石橋馬驛

襄陽府

舊有宜城縣蘇家湖。光化縣鄭陽各驛。俱革。

襄陽縣

漢江水馬驛

潼口驛

呂堰馬驛

宜城縣

鄆城水馬驛

均州

均陽水驛

界山馬驛

鄆陽府

鄆縣

鄆陽水驛

德安府

應城縣

城北馬驛

嘉靖二十八年以沙湖驛遷改

黃州府

舊有黃岡縣臨臯驛革

齊安水馬驛

黃岡縣

李坪驛

陽邏水馬驛

蘄水縣

浠川驛

巴水驛

蘭谿驛

蘄州

蘄陽驛

西河驛

廣濟縣 雙城驛

廣濟驛

黃梅縣 停前驛

荊州府

舊有江陵縣城東。松滋縣潘家。石首縣柳子夷陵州宜都縣白羊各驛。

俱革

荊南驛

石首縣

石首水馬驛

嘉靖十年以石首。通化。二驛併

改

調泗驛

公安縣

孱陵水馬驛

孫黃驛

民安驛

監利縣

塔市驛

枝江縣

沅店驛

夷陵州

黃牛驛

鳳棲驛

白沙馬驛

嘉靖二十五年以
屈谿驛遷改

歸州

建平驛

巴東縣

巴山驛

嘉靖三十六年議將
萬流驛。水夫館庫。并

摘抽歸州。夷陵。二。遞。逆。所
水夫。協助本驛

岳州府

舊有臨湘縣鴨欄。澧州順林。華容縣明山。古樓。黃家各驛。俱革。

巴陵縣

岳陽馬驛

鹿角水驛

臨江馬驛

臨湘縣

城陵水驛

長安馬驛

雲谿馬驛

華容縣

華容馬驛

平江縣

大荆驛

澧州

蘭江水馬驛

清化馬驛

安鄉縣

南平驛

長沙府

舊有湘陰縣石邑田各驛。俱革。安沙縣形關驛。萬曆元年革。

長沙縣

臨湘驛

湘潭縣

湘潭驛

都石水驛

湘陰縣

筌竹水馬驛

醴陵縣

荷塘馬驛

隆慶四年以泗州驛移改

渌口驛

寶慶府

舊有本府資江。新化縣新化各驛。俱革。

衡州府

舊有衡陽縣新增耒陽縣耒江各驛

衡陽縣

臨丞水驛

七里水驛

衡山縣

皇華水驛

黃堡驛

萬曆元年以霞流水驛改設於黃茅堡為

腰站

常寧縣

河洲水驛

栢坊水驛

常德府

舊有武陵縣和豐龍陽縣武口各驛

武陵縣

大龍馬驛

府河驛

桃源縣

桃源驛

高都驛

新店驛

鄭家驛

龍陽縣

河池水馬驛

嘉靖十年以河池驛改

辰州府

舊有沅州安江竹寨各驛俱嘉靖四十五年革。盧溪縣武溪驛。隆慶二年

革

江口驛

沅陵縣

界亭驛

辰陽馬驛

北溶驛

嘉靖四十五年以清浪驛裁併本驛移於

結灘地方

馬底驛

怡容水驛

盧谿縣

船溪驛

辰谿縣

辰陽水驛

山塘馬驛

沅州

懷化驛

羅舊驛

銅安驛

盈口驛

盧黔驛

沅水驛

便水馬驛

晃州馬驛

永州府

舊有零陵縣方欲東安縣石期各驛俱萬曆九年革

零陵縣 湘口水驛

祁陽縣 歸陽驛

三吾驛

排山驛原係瀟南馬驛嘉祐十七年移政

道州
麻灘驛

靖州

會同縣
洪江驛

郴州舊有本州郴江永興縣皇華各驛洪革

施州衛軍民指揮使司舊有施州馬驛革又

移于古夷鋪萬曆九年革

福建

福州府舊有侯官縣小碇驛革

三山驛

閩縣

大田驛

侯官縣

白沙水驛

茅原驛

舊屬懷安縣萬曆八年改

福清縣

蒜嶺驛

宏路驛

古田縣

水口驛

黃田驛

泉州府

晉安馬驛

南安縣

康店馬驛

惠安縣

錦田驛

同安縣 深青馬驛

大輪驛

建寧府 舊有建陽縣東峯馬驛。萬曆九年革

建安縣 大平水驛

甌寧縣 葉坊驛

城西驛

建陽縣 建谿水驛

崇安縣 太安驛

興田驛

長平水驛

延平府

劍浦水驛

南平縣

大橫水驛

小洋驛

王臺驛

將樂縣

三華水驛

白蓮馬驛

順昌縣

雙峰驛

富屯水驛

汀州府

長汀縣

臨汀馬驛

館前驛

三洲驛

寧化縣

石牛馬驛

清流縣

玉華驛

九龍馬驛

上杭縣

平西驛

藍屋驛

歸化縣

明谿驛

興化府

莆陽馬驛

僊遊縣

楓亭驛

邵武府

舊有邵武縣林墩馬驛。萬曆十年革。

邵武縣

拏口驛

樵川水驛

光澤縣

杉關馬驛

杭川水驛

漳州府

丹霞驛

龍谿縣

江東馬驛

甘棠驛

漳浦縣

臨漳馬驛

雲霄驛

龍巖縣 適中驛

南靖縣 平南驛

詔安縣 南詔驛

山東

濟南府 舊有德州太平馬驛。革。長山縣白。山。鄒平縣青陽店各驛。俱隆慶四年革。

譚城馬驛

歷城縣 龍山鎮馬驛

齊河縣 晏城驛

禹城縣 劉普驛

長清縣 東北置馬驛

肥城縣

五寧驛

原係安寧村五道嶺二驛。嘉靖四十三年

併移縣中

德州

梁家莊驛

安德水驛

安德馬驛

良店驛

平原縣

桃源驛

兗州府

舊有濟寧州城東。康莊各驛。俱革

昌平驛

滋陽縣

新嘉驛

寧陽縣

清川村驛

鄒縣

界河驛

邾城驛

滕縣

臨城馬驛

滕陽馬驛

魚臺縣

河橋驛

隆慶三年以沙河。舊橋。二驛并改。移置本縣南陽地方。

濟寧州

南城水驛

東平州

東原馬驛

安山水驛

汶上縣

新橋馬驛

開河水驛

東阿縣

舊縣馬驛

銅城驛

陽穀縣

荊門水驛

東昌府

舊有高唐州平原驛。革臨清州清泉館陶縣陶山各驛。俱隆慶三年革。

崇武水驛

茌平縣

茌山馬驛

清平縣

清陽驛

臨清州

清源水馬驛

渡口驛

高唐州

魚丘馬驛

恩縣

太平馬驛

武城縣

甲馬營水驛

青州府

舊有安丘縣。渠丘。諸城縣東關。沈林。樂溝。日照縣。傳。白。石山。各驛。俱革。

昌樂縣。丹河馬驛。隆慶二年革。

青社馬驛

益都縣

金嶺鎮馬驛

登州府

舊有蓬萊縣。蓬萊。黃縣。龍山。各驛。俱革。隆慶四年革。

黃縣

黃山館驛

萊州府

舊有平度州丘西蘇村。高密縣客水各驛。俱革。掖縣城南。朱橋。昌邑縣夏

店。碑縣古亭各驛。俱隆慶四年革

平度州

灰埠驛

山西

太原府

陽曲縣

臨汾驛

成晉驛

凌井驛

榆次縣

鳴謙驛

祁縣

盤陀馬驛

賈令驛

徐溝縣

同戈驛

壽陽縣

太安驛

孟縣

芹泉驛

靜樂縣

康家會馬驛

平定州

平潭驛

樂平縣

栢井馬驛

忻州

九原驛

代州

鴈門驛

繁峙縣

砂潤驛

崞縣

原平驛

開泥驛

岢嵐州

永寧驛

永寧州

五亭驛

青龍驛

吳城驛

平陽府

建雄馬驛

洪洞縣

晉潤驛

曲沃縣

蒙城馬驛

侯馬驛

蒲州

河東驛

臨晉縣

樊橋驛

解州

聞喜縣

凍川驛

安邑縣

泓芝驛

霍州

霍山驛

靈石縣

仁義驛

瑞石馬驛

大同府

大同縣

雲中驛

甕城口驛

懷仁縣
西安驛

渾源州
上盤鋪驛

王家莊驛

應州
安銀子驛

山陰縣
山陰驛

朔州
城東驛

馬邑縣
廣武驛

蔚州
蔚州馬驛

廣昌縣
倒馬關驛

香山馬驛

靈丘縣

太白驛

潞安府

長子縣

漳澤驛

屯留縣

余吾驛

襄垣縣

褹亭驛

汾州

汾陽驛

平遙縣

洪善驛

介休縣

義堂驛

遼州

南關驛

沁州

沁陽馬驛

武鄉縣

權店驛

澤州

星軺馬驛

太行驛

高平縣

長平馬驛

喬村驛

河南

開封府

舊有本府大梁。扶溝縣崔橋。通許縣

武丘。原武縣安成。封丘縣新莊。汜水縣成
各驛俱革

大梁馬驛

陳留縣

莘城驛

杞縣

雍丘驛

尉氏縣

尉氏馬驛

洧川縣

洧川馬驛

中牟縣

圃田驛

延津縣

廩延馬驛

新鄭縣

永新馬驛

郭店驛
隆慶四年添設

許州

許州馬驛

臨潁縣

臨潁馬驛

襄城縣

新城馬驛

郛城縣

郛城馬驛

馬州

清潁馬驛

鄭州

管城馬驛

滎陽縣

索亭馬驛

滎澤縣

廣武驛

歸德府

商丘驛

寧陵縣

寧城馬驛

夏邑縣

會亭馬驛

永城縣

太丘馬驛

虞城縣 石榴固馬驛

睢州 葵丘驛

彰德府 舊有安陽縣回龍水驛嘉靖四十五年革

鄴城馬驛

湯陰縣 宜溝馬驛 隆慶三年移湯陰縣內萬曆三年復

改宜溝鎮應付

磁州 滏陽馬驛

衛輝府 衛源馬驛 隆慶元年水驛革

新鄉縣 新中驛

獲嘉縣 崇寧驛

亢村驛

淇縣

淇門馬驛

懷慶府

河內縣

覃懷驛

萬善馬驛

修武縣

武安驛

武陟縣

寧郭馬驛

孟縣

河陽驛

河南府

洛陽縣

周南馬驛

偃師縣 首陽馬驛

鞏縣 洛口馬驛

新安縣 角關馬驛

汧池縣 蟲城馬驛

義昌馬驛

陝州 甘棠馬驛

硤石馬驛

靈寶縣 桃林馬驛

閔鄉縣 鼎湖馬驛

南陽府

南陽縣 宛城馬驛

博望馬驛

林水馬驛

鄧州

新野縣 湍陽馬驛

裕州 赭陽馬驛

葉縣 湓水馬驛

保安馬驛

汝寧府

汝陽縣 汝陽馬驛

上蔡縣 上蔡馬驛

西平縣 西平馬驛

大明會典卷之一百四十五